

XXX. IGANDEA URTEAN ZEHAR (B)

Otoitza

Jainko ahalguztidun betierekoa,
handitu gugan sinesmena, esperantza eta maitasuna;
eta zure agintzariak iristeko,
egizu, maita ditzagula zure aginduak.
Zure Seme Jesu Kristo.

I. IRAKURGAIA: Jr 31, 7-9

Itsuak eta herrenak pozetan ekarriko ditut.

Jeremias Profetaren liburutik

Honela mintzo da Jauna:
«Egin oiuhu pozaren pozez Jakobengatik,
egin irrintzi, hiriburuarengatik;
hotsegin, goretsi eta esan:
"Salbatu du Jaunak bere herria,
Israelgo hondarra".
Begira, iparraldetik ekarriko zaituztet,
eta lurraren azken mugetatik bilduko.
Herri handi bat dator:
horien artean badiraitsuak ete herrenak,
haurdunak eta haur eginak.
Negarrez joan ziren,
pozetan ekarriko ditut;
oztopirik egingo ez duten bide zelaietatik;
Aita izango naiz Israelentzat,
eta Efrain izango da nire lehenseme».

ERANTZUN SALMOA: Sal 125, 1-2ab. 2cd-3. 4-5. 6

**R/. Gurekin handikiro jokatu da Jauna:
Hau da poza daukaguna!**

Jaunak Siongo atxilotuak erakartzean,
bageunden amets antzean.
Orduan bete zitzaigun ahoa barrez,
gure mihia goratarrez. R/.

Atzerrietan, orduan, esan zuten:
«Jauna handikiro jokatua dute.»
Gurekin handikiro jokatu da Jauna:
Hau da poza daukaguna! R/.

Bihur ezazu, Jauna, gure zoria,

Negebeko erreka-urak bezala.
Malkoz erein bazuten,
pozez bilduko dute. R/.

Haruntzakoan han zihoazen negarrez,
ereiteko gari-zorroa eramanez.
Pozik etorriko dira honuntzakoan,
garibalak eskuan. R/.

II. IRAKURGAIA: Heb 5, 1-6

*Apaiz zara zu betierean,
Melkisedeken sailean.*

Hebertarrei egindako epistolatik

Apaiz nagusia, gizonen artetik hartua, gizon-emakumeen alde jarria da, Jaungoikoari dagozkionetan, bekatuengatik emariak eta opariak eskaintzeko. Ezjakin eta okertuetan kupitzeko gauza da, bera ere argalkeriaz inguratua dagoenez gero. Eta horregatik, herriarentzat bezala, bere buruarentzat ere eskaini behar ditu opariak bekatuen orde. Ez du inork hartzen beretzat maila hori, Jaungoikoak deiturik baizik, Aaronek bezala.

Horrela Kristok ere, ez dio Berak eman bere buruari apaiz nagusi maila, baizik eta hitz hauek esan zizkionak:

«Nire Seme zara Zu;
Nik zaitut gaur Zu sortu»;
edota beste batean Liburu Santuak dioen bezala:
«Apaiz zara zu betierean,
Melkisedeken sailean».

EBANJELIOA: Mk 10, 46b-52

Aleluia: 2 Tm 1, 10b

R/. Aleluia.

V/. Jesu Kristo gure Salbatzaileak hondatu du heriotza,
eta argitara atera bizia, berri onaren bidez. R/.

Maisu, ikus dezadala berriro!

Jesu Kristoren Ebanjelioa San Markosen liburutik

Aldi hartan, Jesus bere ikasleekin eta jendetalde handi batekin Jerikotik ateratzean, Bartimeo itsua –Timeoren semea– eskean zegoen bide ertzean, eserita; eta Nazareteko Jesus zela entzun zuenean, deiadarka hasi zitzaion: «Jesus, Dabiden Seme, erruki zakizkit!» Askok haserre egiten zion isilarazteko. Hark, ordea, orduan eta deiadar handiagoa egiten zuen: «Dabiden Seme, erruki zakizkit!»

Jesusek, geldituta, esan zien: «Dei iezaiozue». Deitu zioten itsuari, esanez: «Izan bihotz; altxa; deika daukazu eta». Hura, soingainekoa bota, bat-batean zutitu eta Jesusengana etorri zen. Jesusek esan zion: «Zer nahi duzu Nik zuri egitea?» Itsuak erantzun: «Maisu, ikus dezadala berriro!» Jesusek esan zion: «Zoaz, zeure sinesteak sendatu zaitu». Eta berehala h.

zihoakion bidean.

Oparigaien gainekoa

Begira, Jauna, ekarri dizkizugun eskaintza hauei,
guk, zure zerbitzariok, egiten dugun hau
Zuretzat goresgarri izan dadin.
Jesu Kristo.

Jaunartze ondorengoa

Zure sakramentuok, Jauna,
egin dezatela guran beroiek adierazten dutena,
orain irudipean egiten duguna
gero egiaz eta osorik har dezagun.
Jesu Kristo.